

Pa medio di esaki bo(so) ta wordo poni na altura di e ley di enseñansa obligatorio. E ley di enseñansa obligatorio a drenta na vigor riba 1 december 2012 na Aruba.

Peticion pa dispensacion pa circunstancianan personal:

Formulario di peticion unda mi por hay'e?

Formulario di peticion ta obtenibel **solamente** na scol.

Ki tempo mi mester haci e peticion?

Peticion mester wordo haci prome cu ta haci preparacion, e aplicado mester yena e formulario di peticion **adelanta** y mester entrega esaki na e cabesante di scol cu prueba documenta.

Ken ta tuma un decision riba e peticion di 1 te cu 10 dia di scol?

E cabesante di scol ta esun cu ta **tuma un decision riba 1 te cu 10 dia di scol** si esaki ta cay bou di e dispensacion pa circunstancianan personal.

Kico ta cay bou di posibilidad pa dispensacion di 1 te cu 10 dia di scol?

Posibilidad pa dispensacion (1 te cu 10 dia di scol):

Motibonan:	Prueba / Documentacion	Dia
Ariba dia di matrimonio di famianan di e estudiante den di prome, di dos y di tres grado Grado di pariente: Di prome grado: mayornan Di dos grado: welo(a)nan, rumannan Di tres grado: bisawelo(a)nan, omonan, tantanan, sobrino(a)nan	Documento legal: copia di e invitacion	1 dia
Ariba dia cu mayor(nan), mayor(nan) di criansa of welo(a)nan di e estudiante ta recorda 25, 40, 50 y 60 aniversario matrimonial	Documento legal: copia di e buki di casamento y carchi di invitacion	1 dia
Ora di malesa grave di mayor(nan), mayor(nan) di criansa of welo(a)nan di e estudiante.	Documento legal: carta di doctor/AZV	1 dia
Ora di fayecimento di mayor(nan), mayornan di criansa y famia di e estudiante te cu e di tres grado.	Documento legal: copia di acto di fayecimento	1 dia
Mudamento cu famia	Documento legal: uittreksel di CENSO (Bevolkingsregister)	1 dia

Na momento di prolongacion esaki mester wordo palabra cu cabesante di scol.

Bay cu vacacion net prome cu vacacion di scol, esaki ta posibel?

No ta permiti di bay cu vacacion net prome cu vacacion di scol.

Bay cu vacacion net despues di vacacion di scol, esaki ta posibel?

No ta permiti di bay cu vacacion net despues di vacacion di scol.

Ken ta duna un conseho riba e peticion di mas cu 10 dia di scol?

E cabesante di scol ta esun cu ta **duna un conseha riba mas cu 10 dia di scol** si esaki ta cay bou di e dispensacion pa circunstancianan personal. Inspector-General ta tuma e decision final.

Peticion pa dispensacion pa *circunstancianan particular*:

Formulario di peticion unda mi por hay'e?

Formulario di peticion ta obtenibel **solamente** na scol.

Ki tempo mi mester haci e peticion?

Prome cu ta haci preparacion, e aplicado mester yena e formulario di peticion **2 luna adelanta** y mester entrega esaki na e cabesante di scol cu prueba documenta.

Ora cu un alumno (a) tin cu representa Aruba oficialmente den competencia deportivo, actividad cultural of certamen di beyesa e aplicado mester entrega, hunto cu e formulario aki, un carta oficial di e organisacion cu e alumno (a) lo tin cu representa Aruba den exterior of aki na Aruba mes.

Si e peticion no ta wordo entrega na tempo, un decision no por wordo duna.

Mi yiu ta bay representa Aruba den competencia deportivo, actividad cultural of certamen di beyesa.

Ken ta tuma un decision riba e peticion di 1 te cu 10 dia di scol?

E cabesante di scol ta esun cu ta **tuma un decision riba 1 te cu 10 dia di scol** si esaki ta cay bou di e dispensacion pa circunstancianan particular.

Ken ta duna un conseho riba e peticion di mas cu 10 dia di scol?

E cabesante di scol ta esun cu ta **duna un conseha riba mas cu 10 dia di scol** si esaki ta cay bou di e dispensacion pa circunstancianan particular. Inspector-General ta tuma e decision final.

(Link)

No ta bin na remarca pa dispensacion:

pa actividad di club
bay cu vacacion pafo di e dianan stipula di vacacion di scol (por ehempel ora tin ofertanan special pa bay cu vacacion den "low season")
pa bishita famia den temporada cu no ta cay den vacacion di scol
pa prome biaha of despues di un tempo largo ta bay topa cu (bisa)wela/ welo
dispensacion pa un yiu pasobra e otro yiu(nan) di e famia ta na cas
pasobra yiu mester cuida mayor/wela(o) of otro miembro di famia
e argumento "nos yiu ta chikito ainda, no ta nada cu e falta scol"
e argumento "den e periodo final di aña escolar nan no ta duna les toch"
e argumento "nos no tawata sa cu tin ley di enseñansa obligatorio"
e argumento "famia di exterior a bin cu vacacion na Aruba"
e argumento "un familiar a regala nos ticket di biahe of cruise trip"
e argumento "nos a gana un ticket di biahe/cruise trip"
e argumento "un aña pasa mi a cumpra e ticket di biahe"
e argumento "nos tin cos personal pa regla den exterior y nos yiu(nan) mester bay cu nos"
e argumento "nos no tin hende pa wak pa nos yiu(nan)"

Mas informacion? Bishita www.ea.aw/leerplicht

Un invitacion cordial pa bishita e website www.ea.aw/leerplicht (of busca Leerplicht of Enseñansa obligatorio den e alfabet menu riba www.ea.aw) pa mas informacion, pa e formularionan necesario of pa informacion di contacto di **Bureau Leerplicht Aruba**. Tambe por sigui nos riba Facebook na: facebook.com/educationaruba.